



ALLORFIMMI ATUISUT
NAAMMAGISIMAARINNINNERANNIK
MISISSUINEQ
(NOVEMBARI 2023)



Assiliisoq: Lars Poort

MISISSUINEQ


Allorfik innuttaasut Allorfimmi oqaloqatiginnittartut isumaannik paasiniaalluni apeqqutinik akisitsinikkut misissuineramik novembarimi ingerlatseqqippoq. Allorfinni tallimaasuni atuisut isumaannik misissuineq Allorfik Kujallermi (Qaqortoq), Allorfik Sermersuumi (Nuuk), Allorfik Qeqqatami (Sisimiut), Allorfik Qeqertalimmi (Aasiaat) kiisalu Allorfik Avannaani (Ilulissat) ingerlanneqarpoq.

Innuttaasut akissuteqarnissaat sulisunit sunnerneqannginniassammat qarasaasiaq angallattagaq atorlugu apeqqutinik akissuteqartitsineq ingerlanneqarpoq. Akissutigineqartut tamarmik databasemut paasissutissanik katersuiviusumut nassiunneqartarput akissutillu Allorfimmi katsorsaasunit takuneqarsinnaasaratik.

Misissuinermi apeqqutit suliarineqarsimasut tamarmik ima akissuteqarfigineqartussanngorsimapput:

- ✓ Naammagisimaarluinnarpara
- ✓ Naammagisimaarpara
- ✓ Naammagisimaarlugulu naammagisimaanngilara
- ✓ Naammagisimaanngilara
- ✓ Naammagisimaanngilluinnarpara

Innuttaasut katillugit 94-it Allorfinni tallimaneersut misissuinermi peqataapput. Innuttaasut 44-t misissuinerup naggataani isummersuutiminnik allataqarniarlutik aalajangersimapput, taakkualu maannga aamma ilanngunneqarput. Allorfeqarfiit tamarmik misissuinermi peqataapput, taakkunngalu akissuteqartitsisut amerlanersaannik tunniussaqqartoq tassaavoq Allorfik Sermersooq, taannaavorlu aamma Allorfiup katsorsaaviini annersaasoq.



*Allorfik Sermersooq toqqissinareqaara nipilersuut eqqissisimasooq iserfigiuminartooq, kaffi, tii imeq tigorianaallugit. Iluaq. Tikilluaqqusaasutut misigisimannaq.
Innuttaasooq - Allorfik Sermersooq.*

*- Aggeraangama tigulluarneqartarnera iluarivara.
Innuttaasooq - Allorfik Qeqqata.*


*- Nammineq qisuariarnikkut ornigunnera iluarisimaarpara.
Innuttaasooq - Allorfik Avannaa.*

*- Pissarsiaqarluaqaanga inuttullu ingerlariaqqinnera, tusarnaarsinnaanera, iluaqutingeqaara. Kisimiillungalu katsorsartinnera, katsorsaaviliarnanga, iluareqaara.
Innuttaasooq - Allorfik Qeqertalik.*

*- Nuannarivara maaniittarnera, taavalu maaniikkaangama paasisaqarsuaartarlunga.
Innuttaasooq - Allorfik Kujalleq.*

KATSORSARTINNIARLUNI AALLARTINNERMI NAAPINNEQ

Naapinnermi siullermi paasineqartutut misigineq katsorsaanerup pitsaasumik ingerlanneqarnissaanut sunniuteqartartoq ilisimatuussutsikkut misissuinerit ilisimaneqarpoq. Misissuineri innuttaasut 61-it (65%) Allorfimmi naapinneqaaqqaarnermikk naammagisimaarinnilluinnarlutik naliliisimapput. Misuissuineri akissuteqartut allat 29-t (31%) Allorfimmi naapinneqaaqqaarnermikk naammagisimaarinnissimasut, allat pingasut (3%) akissuteqarsimapput naammagisimaarlugulu naammagisimaarsimanagu, taamatullu aamma ataaseq (1%) apeqqummut tassunga akissuteqarsimanngilaq.



- Iluareqaara maannga isertinneqarsimagama, tigulluarneqarneralu qujassutigeqaara. Inuttut imminut takullattaasaleqqanera iluaraara.
Innuttaasooq - Allorfik Qeqertalik.

- Aatsaat ulloq aappasaaraluarlunga misigisimavunga aallunneqarlunga ikiorneqarusullungalu.
Innuttaasooq - Allorfik Sermersooq.

- Qujanaqaaq Allorfeqarmat Innuttaasooq - Allorfik Kujalleq.

- Allorfimmut saaffiginninnera, Allorfimmi sulisunit tigulluarneqarnera, apersortoqarani sooq saaffiginnittunga, suna pillugu, suminggaanneernersunga sunalu pisariaqartinneriga. Assorujuk tikilluaqqusaanera qujamasuutigaara, naak Familiecenteri saaffissatut nalunngikkaluarlugu, ullorpassuit uterfigineqannginnama Allorfik saaffigisimangakku qujasorujussuuvunga. Allorfiup suut tamangajaasa, oqaloqatiginninnerit piffissaqarfigalugit tigusinnaammagit iluaqaaq. Ingammik qatanngummik ajunaarsimasumik annaasaqarluni, naak katsorsartinnermik imaqqanngikkaluartoq. Nalunngilara Allorfik sumiittoq aamma oqarasuaataa nalunngilara. Taamaattumik pisariaqartitseqqilissangaluaruma Allorfimmi sulisut tikilluaqqusinerat qujanaq.
Innuttaasooq - Allorfik Avannaa.


- Nuanneq, paasineqarsinnaalluni iluaq. Oqiliallannaq inuttut. <3
Innuttaasooq - Allorfik Qeqqata.

- Iluarpoq. Qaqutigoorami taamaattumik oqaloqateqarluni. Al-lanik oqaloqateqartarnikuunga-luarpunga. Iluarersuaarpara.
Innuttaasooq - Allorfik Qeqertalik

- Allorfik iluaqaaq.
Innuttaasooq - Allorfik Qeqqata.

KATSORSARTINNEQ PILLUGU PAASISSUTISSIINEQ

Katsorsaanissap imarisaanik nassuiaanneqarneq toqqissisimanerulersitsisarpoq: Taamaattumik katsorsaanerup imarisaa aaqqissuussaaneralu pillugit nassuiaaneq pingaaruteqarpoq.




Misissuinermit akissuteqartuni takuneqarsinnaavoq 58-it (62%) katsorsarneqarnermik aallartinnerani nassuiaanneqarnermikk naammagisimaarinnilluinnarsimasut, akissuteqartut allat 34-t (36%) naammagisimaarinnissimapput. Allalli marluk (2%) apeqqummut akissuteqarsimangillat.

KATSORSARTINNISSAMUT UTAQQINEQ


Allorfiup anguniagarivaa innuttaasut Allorfimmi katsorsartittussat ullut 14-it ingerlaneranni aallartittarnissaat. Tamanna amerlanertigut pisinnaasarpoq amerlanerit nammineq Allorfimmut ornigullutik katsorsarneqarnissaminnik kissaateqartarmata.

Innuttaasut 54-it (58%) utaqqinerminnut naammagisimaarinnilluarput, allat 30-t (32%) naammagisimaarinnittut, tallimat (5%) naammagisimaarinnillutillu naammagisimaarinninngillat, taamaattorli allat marluk (2%) utaqqinerminnut naammagisimaarinninngillat. Innuttaasut pingasut (3%) apeqqummut tassunga akissuteqarsimangillat.



KATSORSAARIAATSIMIK NAAMMAGISIMAARINNINNEQ

Innuttaasut amerlanerit katsorsartinnerminnik naammagisimaarinninnerminnik oqariartuuteqarput. Innuttaasummi 57-it, (61%), naammagisimaarinnilluinnarlutik akissuteqarsimmata, taamatullu aamma 34-t (36%) naammagisimaarinnillutik, taamaattorli pingasut (3%) naammagisimaarinnillutillu naammagisimaarinnissimangillat.



- Iluarisimaaqaara maaniinnera anissuisinnaagatta. Allanit iluarineruara ammanarnerugami. Innuttaasoq - Allorfik Qeqertalik.

- Maaniinnera assut toqqissisimanarivara. Inuuneralu assut oqilinerulluni. Innuttaasoq - Allorfik Sermersooq.

- Iluarpoq pissarsiaqarnarlunilu. Innuttaasoq - Allorfik Avannaa.

- Imerajuttunut qanigisaasunut ikiuuttarneri toqqissinarpoq. Innuttaasoq - Allorfik Kujalleq.

- Maanngaqaarninnit massakkut inissisimaninnut sanillukkaangakku imminut naammangisimaarnerogaanga, oqaloqateqartarnikka ulluinnannut oqilisaataalluaqimmata. Innuttaasoq - Allorfik Sermersooq.

- Nakkaannarnanga ingerlariaqqinniarnera, oqaloqateqartalernalu, siuariarneq siulleq. Taannaqa tullia. Malugigakku uanga nammineq inuttut iluaqutugalugu pissarsiaqaatigalugulu. Naamik qanga; alloriarneq ataaseq tunumut allornerit marluk. Innuttaasoq - Allorfik Kujalleq.

- Katsorsartilluni pingaarluinnaqqinnaarpoq nammineq perusunnerluni, aamma imminut salloqittartanngineq pingaaruteqarpoq. Innuttaasoq - Allorfik Qeqertalik.

- Oqaatsit ersarissorujussuvoq. Akulikitsumik oqaloqatigiinneq iluaqutaavoq. Innuttaasoq - Allorfik Qeqqata.

- Ullunik ataasiakkaarineq illikkarpara, maanna kililisinnaaneq ilinniarpara. Innuttaasoq - Allorfik Qeqqata.

- Toqqissisimanarpoq. Aninerit tamaasa angusaqarsimasutut misigisarpunga. Inissaqartinneqarlungalugu. Sullissilluarneq ersarip-poq. Innuttaasoq - Allorfik Qeqqata.

- Aggerluni iluarterpoq. Oqaloqatigiinninnermi inississuinarterpoq sooq pissuseqartarnerluni. Innuttaasoq - Allorfik Avannaa.


- Qujanaq periarfissamut. Imaallaat sunarujuk anguara. Innuttaasoq - Allorfik Avannaa.

- Iluarisimaarluinnarpara. Innuttaasoq - Allorfik Qeqqata.

KATSORSARTINNERMI ANGUNIAKKAT

Atuisuulluni aanngajaarniutinnilu pinngitsuuisinnaajunnaarsimalluni ingerlaannaq atuisuujunnaartoqarsinnaangilaq. Katsorsartinnermi atuinnginnissaq siunertaasarpoq. Innuttaasup nammineq qanoq ikorfartorneqassanerluni kissaateqarnera aallaavigalugu katsorsaaneq ingerlanneqartarpoq. Ilaasa ilaqtaminnut attaveqarnertik pitsaanerulersikkusullugu, timersornerulernissamik kissaateqarlutik imaluunniit aningaasaqarnertik pitsaanerulersikkusullugu suliniuteqarnissartik siunertarisinnaasarpaat.

Katsorsartinnermi anguniakkat pillugu katsorsaasunik suleqateqarnerit qanoq naammagisimaartigaajuk?



Misissuineq ataatsimut isigalugu innuttaasut 60-it (64%) anguniagartik angutserlugu katsorsaasumik suleqateqarnermikk naammagisimaarinnilluarput, allat 30-t (32%) naammagisimaarinnittut, allat sisamat (4%) naammagisimaarinnillutillu naammagisimaarinnissimangillat.

- Naammagisimaqaara imminut takunarami.
Innuttaasoq - Allorfik Sermersooq.

- Qujamasuutigivara inuttut ingerlariaqqinnissannut taamatut oqaloqateqarsinnaangama. Iluaqutigisarpa.
Innuttaasq - Allorfik Qeqertalik.

- Iluarisimaarnermik pitsanngorsagassamik eqqaasassaqaqqanngilanga.
Innuttaasq - Allorfik Qeqqata.

- Pissarsiaqarnarpoq. Alloriarfigerusutakka takusinnaangorpakka.
Innuttaasq - Allorfik Avannaa.

- Qujanaq sullissilluarnissinnut. Qujanarlu paasinnittarnissinnut.
Innuttaasq - Allorfik Qeqqata.

- Katsorsaariaasersi torrageqaara.
Innuttaasq - Allorfik Sermersooq

- Ikiorluarneqarnissannut ilitsersorluarneqarnissannullu neriullunga.
Innuttaasq - Allorfik Kujalleq.

- Sullinneqarnera iluarisimaarpara.
Innuttaasq Allorfik Avannaa.

- Suliusinnaavoq.
Innuttaasq - Allorfik Sermersooq.

- Ajorinngilara, inuuninni paasisaqarnissara pisariaqarmat.
Innuttaasq - Allorfik Avannaa.


- Imminut aallaaviginermik tunuliaqutassamik aallerfiuvoq, ineriartornarlunilu.
Innuttaasq - Allorfik Qeqertalik.

ILIUUSEQARNISSAMUT ILUAQUTISSATUT TUNNIUNNEQARTUT

Innuttaasut siunissami unamminarsinnaasunik misigisaqarnissaanni periutsinik atorluarneqarsinnaasunik Allorfik pimoorussilluni tunniussaqaarnissamik suliniuteqarpoq.

Innuttaasut 37-t (40%) iliuuseqarnissaminnut iluaqutissatut tunniunneqartunik pissarsiaminnik naammagisimaarinnilluinnarput. Akisimasuni allat 44-it (47%) naammagisimaarinnissimasut, allat tallimat (5%) naammagisimaarinnillutillu naammagisimaarinnissimanngillat. Akissuteqartoq ataaseq (1%) naammagisimaarinninngilluinnarsimasoq allat arfineq-marluk (7%) akissuteqarsimanngillat.

Naammagisimaarinnillu imaluunniit naammagisimaarinninnani akissuteqarneq imaluunniit akissuteqarsimannginneq aallaaveqarsinnaavoq innuttaasup katsorsarneqarnerata aatsaat aallartilaarsimaneranit.



- Iliuuseqarneq unneqqarissinnaanerlu kisiisa ukkakaanni angusaqarfiuvoq, inuunermut isiginnissinnaanerup annertusisarpaa. Du6 Innuttaasoq - Allorfik Qeqertalik.


- Suleqatigiilluarnarat nuannerpoq. Sullinneqarnera pitsaavoq. Piffissami sivikitsumi ikiorneqalerama iluareqaara. Innuttaasoq - Allorfik Kujalleq.

- Iluarpoq pissarsiaqarnarpoq. Innuttaasoq - Allorfik Avannaa.

- Aatsaat siullermeerama – katsorsarneqarnera iluarivara. Innuttaasoq - Allorfik Avannaa.

- Aallaqqaataanit katsorsaasoqarneq iluarsimassangaluarpoq. Innuttaasoq - Allorfik Avannaa.


KATSORSAASUP INNUTTAASUMUT SOQUTIGINNINNERA



Apeqqummi uani innuttaasup katsorsaasullu ataqtiginneri qanoq inissisimanersut takusinnaavarput. Katsorsaasup periutsiminik ilisimaarinninnera katsorsarneqartup qanoq iluatsitsiffiginissaanut sunniuteqartartoq ilisimatuussutsikkut misissuinermi paasineqarpoq.

Innuttaasut aperineqarlutik akissuteqartut 67-it (71%) katsorsaasuminngaanniit soqutigineqarnerminnik naammagisimaarinnilluinnarsimapput. Allat akissuteqartut 25-it (27%) naammagisimaarinnillutik akissuteqarsimapput, ataaserli (1%) naammagisimaarinnillunilu naammagisimaarinnissimannngilaq, allalu aamma ataaseq (1%) apeqqummut tassunga akissuteqarsimannngilaq.

KATSORSAASUP PISORTAQARFINNIK ALLANIK SULEQATEQARNERA



Innuttaasut tamarmik Allorfiup allanik suleqateqarnissaanik pisariaqartitsineq ajorput. Uunga apeqqummut akissutit nassuiarnissai ajornakusoorpoq. Ataatsimulli isigalugu Allorfik isumaqarpoq oqartussaaffinnik allanik suleqateqarneq pitsanngorsarneqarsinnaasoq, tamanna Allorfiup 2022-mut ukiumoortumik nalunaarutaani kapitalit arfernganni aamma atuarneqarsinnaavoq.

Akisimasut 13-it (14%) apeqqummut akisimangillat, katsorsartinnerminni allanik suleqateqarnissartik immaqa pisariaqartissimanginnamikkku. Aamma apeqqummut akisimasut arlallit taamatut inissimasinnaapput.

Akisimasut 23-it (24%) katsorsaasup pisorta qarfinnik suleqateqarneranik naammagisimaarinnilluarput, 42-t (45%) naammagisimaarinnittut, aamma allat 14-it (15%) naammagisimaarinnillutillu naammagisimaarinningsut. Akissuteqarsimasuni ataaseq (1%) naammagisimaarinninnani naliliisimavoq, allalu ataaseq (1%) naammagisimaarinnigilluinnarluni akissuteqarsimavoq.

MISISSUINERUP INERNERA

Innuttaasut Allorfimmik atuisut 2023-mi novembarimi isumaannik misissuinerup takutippaa innuttaasut Allorfimmi katsorsartittut amerlanersaat katsorsarneqarnerminnik naammagisimaarinnilluartut imaluunniit naammagisimaarinnittut, matumani periutsit (katsorsaasarneq pillugu paasissutissiinerit aamma utaqqineq), kisianni katsorsaaneq iliuseqarnissamullu iluaqutissatut tunniunneqartut pillugit taama naliliisimallutik.

Misissuisarnerit allat assingalugit katsorsaanerup ingerlanerani katsorsaasup innuttaasullu attaveqatigiinnerat pitsaanerpaatut nalilerneqaaqqissimavoq. Naliliinermi tassani innuttaasup katsorsaasullu akornanni katsorsartittup naliliinera aallaavigineqarpoq.

Ikinnerpaanik naammagisimaarneqarsimasoq tassaavoq katsorsaasup pisorta qarfinnik allanik suleqateqarnera. Tamanna aamma atuisut naammagisimaarinninnerannik misissuisarnerit siulliit ersittareerpaat. Allorfik tamatumunnga aamma isumaqartaavoq, taamaattumillu Allorfinni katsorsaasut pisorta qarfinnik suleqateqarnerat 2024-mi aallunneqarluni pitsanngorsarneqaaqqissaq.